

四庫全書

集部

欽定四庫全書

集部

文苑英華卷四百三十一
一至三

詳校官庶吉士臣柳邁祖

助教臣常循履勘

總校官進士臣朱 鈐

校對官中書臣鮑之鍾

謄錄監生臣黃 譽

欽定四庫全書

文苑英華卷四百三十一

宋 李昉等 編

赦書十二

平亂赦書

赦詔

沈 約

門下朕肅慕乾統思弘祖業方欲克廣法猷寧濟遐邇
實賴羣才共康世務至於股肱宗戚情委特隆垂拱責
成緝熙是寄而各包藏禍心規縱醜逆朕每存容隱冀

或能悛而靡懲前愆彌結後釁七百業艱宗廟事重不
得不垂涕行戮以義斷恩或藩屬皇宗或睦姻近戚夫
豈不懷社稷故也雖四門已穆羣凶靡餘而泣辜之嘆
義兼自昔方勵精思治登賢任官隆平之化庶從茲始
宜播嘉惠咸與維新可大赦天下自今月二十日昧爽
已前謀反大逆手殺人以下皆赦除之頃歲軍旅繁興
叛征者衆其質繫家屬及同伍代役三署見徒詳所尤
疑原遣主者施行

大赦詔

門下王室多難祲沴相仍昔歲紛阻鋒交九達今茲狂
煽兵連萬雉時事屯厄罕有斯逆故今迷疑互起向背
者多元惡既懸猜懼彌廣奔亡草澤自反莫因近雖曲
赦與之更始而愚昧之徒猶多竄伏且遏寇未夷役連
遐邇刑政弛張陷罪非一思所以曠敷嘉惠被之億兆
可大赦天下凡與崔惠南史作慧景協契同謀首為奸逆爰
及降叛輸力盡勤良由世道交喪流源浸遠風槩靡立

以至如斯悉皆盪滌一無所問凡諸反側咸與維新並加宣慰還復民伍國信之明皎如日月榜勒畿要咸使聞知惟崔惠景諸子不在赦例主者施行

誅張易之等赦文

內制

鸞臺多難興王殷憂啟聖蕭牆之禍自古有之朕以虛寡宿承先顧社稷宗廟寄在朕躬親理萬幾年踰二紀幸得九玄垂祐四海乂安何嘗不日旰忘食夜分輟寢戰戰而臨寶位乾乾而握聖圖憂百姓之不寧懼一物

之失所但以久親庶政勤倦成勞頃日以來微加風沴
逆豎張易之昌宗兄弟比緣簿解調鍊久而園苑驅馳
賜以殊恩加其顯秩不謂豺狼之性潛起梟獍之心積
日包藏一朝發露皇太子顯元良守器純孝奉親知此
釁萌奔衛宸極與北軍諸將戮力齊心剿撲兇渠成就
梟斬斯乃天地之大德幽明所叶贊者乎豈惟朕躬之
幸抑亦兆庶之福朕方資藥餌冀保全和機務既繁有
妨攝理監撫之寄屬在元良宜令皇太子顯監百官總

己以聽朕當養閒高枕庶獲延齡可大赦天下

淮西平赦文

玉堂遺範

朕聞王者法天作則與衆守邦奉三無私居兆人上當
恭己嚮方之際切臨深馭朽之懷憂勤靡遑今古何遠
所重者兵革不試軌度自貞熙仁扇和以至大道朕顧
惟菲德祇奉睿圖承昊天之眷命繼列聖之不緒旻食
以求至理虛心而俟昌言兢兢業業常懼失墜迨今十
有四年矣道且希於廣運意常在於包荒推誠則深感

物亦至頃歲蜀川浙右怙亂阻兵人神共誅剪滅相次
務漸偃革期於措刑方蕭斧以懲奸庶干羽以成化而
淮蔡寇孽稔禍延灾問罪興師盖非獲已每念征行之
暴露軫饋給之煩勞中宵惕然載益祇厲妖克既殄黎
庶用康斯皆宗社垂休中外協力將勤恤於下土冀昭
答於上玄茲朕所以思與羣公卿士勵精於庶政也今
屬獻歲發春授時惟敬勾萌盡達幽蛰咸蘇徽纆可矜
鰥惇在念俾疎網之是決與慶澤而惟新可大赦天下

平朱泚後車駕還京大赦制 陸贄

門下致理之體先德後刑禮義興行故人知耻格教令
明當則俗致和平然後姦慝不萌暴亂不作古先哲后

莫不

集作何莫

由斯國家受命百七十載八聖儲慶敷佑下

人邁種寬大之德累蠲苛酷之令盖仁之所積者厚故
澤之所流者深茲予小子獲主重器懵於理亂之本溺
於因習之安授任不明賞罰乖當立法以齊衆而犯命
愈甚興戎以除害而長亂益繁賊臣蓄姦乘釁竊發九

廟乏主

集作祀

兆人靡依猥偷肆其吞噬豺狼穴於宮闕

歲未云半載罹播遷仰慙穹昊

集作昊

俯愧臣庶敢愛隕

越苟全眇躬

集作身

誠懼益縱寇讐重辱宗社

集作社

忍耻

誓志庶補前羞賴億兆宅心不忘先德將帥戮力恭行

天罰

集作誅

俾余寡昧再膺多祐總

詔今作紐

乾綱於既紊復

天柱於將傾言旋鎬京不改舊物宗祧

集作有

序朝享

有經

集作則

責重慶深彌增感惕嗚呼君者所以撫人也

君苟失位人將安仰朕既不德致寇興禍使生靈無告

受制克威苟全性命急何能擇或虧廢名節或貪冒貨

利陷於

集作干

法網事非一端究其所由自我而致不能

撫之以道乃欲繩之以刑豈所謂恤人罪己之誠含垢

布和之義滌清汚俗咸與更新可大赦天下自興元元

年七月二十三日

集作二

昧與已前大辟罪已下已發覺

未發覺已結正未結正見繫囚徒常赦所不原者咸赦

除之今年五月二十八日已前左降官即與量移已經

量移未復資者更移近處流人及配隸罰鎮効役

集作力

並即放還七官失爵放歸不

集作物

齒者量加收序已經

收序未復資者更與進改其黜免人等有素著行能傍

連

集作遭

譴累特加錄用勿以為負不有忠者誰復社稷

不有勞者誰從巡狩連帥之重所以殿邦禦侮

詔令作戎

也

二千石之任所以分憂共理也方鎮將校勤奉戎役中

外察吏恪居官次國有大慶所宜同之内外文武及致

仕官三品以上賜爵一級四品已上

集作下

加一階仍並

賜勳兩轉司徒兼中書令晟應時傑立光輔中興再定

皇都一匡天下推恩之典貽慶無窮宜與一子五品正

員京官侍中城沈邃

集作純粹

忠厚服勞王家保全危城剪

除大憝嘉乃茂績次于寵章宜與一子六品正員京官

鎮國軍潼關節度使檢校右僕射駱元光京畿渭南商

州節度使檢校右僕射尚可孤邠寧等州節度使檢校

左僕射韓遊環奉天行營諸軍節度使檢校右僕射戴

休顏咸秉大節著于艱難同勲叶忠翼我興運宜各與

一子七品正員官諸道節度使及行在

集作營

都知兵馬

使都虞候興元扈從左右金吾大將軍等各與一子八

品正員官諸道諸團練觀察處置等使各與一子官應

諸軍赴役上都收復將士等俱以忠

集作純

誠奮其勇節

連年帶甲百戰摧鋒有忘身以效命有滅族

集作親

以徇

義誓平國難如復私讐競揚貔武之雄克清梟獍之孽

策勲行賞傳嗣榮親播乃功名與國終始自去冬以來

未經甄叙者即與超八資改轉已經甄叙者更與超三

資進改三品已上祖父母父母在先無官封者量與

詔令

授致仕官及邑號亡者並與追贈四品已下父母在先
無官封者亦授致仕官及邑號亡者亦與追贈其賞錢
委所司即依元勅支給應扈從將士三品以上賜爵兩
級四品已下各加兩階仍並賜勳三轉其祖父母父母
官封追贈及支給錢賞並準叔京城將士例處分應扈
從官普恩之外三品已上更賜爵一級四品已下更加
一階若常叅官祖父母父母先無官封者量授致仕官
及邑號亡者並與追封贈諸州刺史普恩之外賜爵一

級諸道進表官陪位者更加一階其奉天定難及元從
功臣宜令本軍本使即定名聞奏所司各準元勅優賞
其諸道鎮國軍及行營將士三品已上賜爵一級四品
已下加一階仍準今年正月一日制速與甄叙成德淄
青魏博等道節度使下并諸道諸軍應歸順將士等各
蘊誠義積著功勞由朕失於撫綏頃歲暫懷疑阻尋能
勵節不替舊勳是資宴犒俾洽王澤宜委所司即約額
支計各賜錢物賞設仍委本道節度準前後勅速條流

甄叙其朔方并諸軍應在河中管內及

并集作

同州將士

等自遠赴難解其重圍念茲功勞並未酬報雖遭脅制

情有可矜應到行營未經甄叙者並準元勅超五資改

轉其賞錢比叔京將士例各給一半委本軍兵馬使速

條錄名銜聞奏所司即支計給付其食實封者亦便配

額令其請受應天下諸道諸軍

詔令作
府州

將士如有年老

及疾患尫弱不任軍旅願歸鄉里者並給身券

詔令作
終身

優復州縣切加安存

集作
存恤

勿令侵擾如無家業可歸者

量給田宅使得存

集作全

濟見危致命先典所尚况忠衛

社稷殺身成功朕於斯人義有加等贈太尉秀實天授

貞烈沮茲奸邪倉卒

集作倉黃

之中獨蘊雄

集作神

斷將紆國

難詭以寇兵克謀既隳吾事果濟忠誠奮發手擊渠魁

英風凜然振邁千古宜即差官致祭并旌表門閭府縣

護其喪事緣葬所要一切官供仍於墓所官為立碑以

揚徽烈其所賜實封五百戶嫡子授正員三品官諸子

各授正員五品官委中書門下即準元勅處分應諸道

諸軍將士有身死王事者委本道本使具名銜聞奏即與褒贈仍以在身官爵授其子孫內外文武官及諸親

諸色人等有橫遭逆賊殺害者各聽其家及親識

集作戚

於所司陳牒勘會

集作責

聞奏亦與追贈如跡著忠烈衆

所明知仍訪其子孫量加優恤尚齒養老王風之首三

代制禮未或遺年朕將遵古典以興化本人心而教孝

用優秩賜式慰里閭京兆府耆壽年八十已上並與版

授刺史仍賜紫七十以上及諸州府迎駕耆壽亦各版

授本縣令仍賜緋天下侍老者壽等亦各與版授本官
如年九十以上者州縣長吏歲時躬親省問貧弱不能
自存者量賜粟帛頃屬多難人俗流弊加之以師旅因
之以凶集作饑饑賦役繁起農桑失時哀我瘠人沆可小

息然以國計猶歎軍實未集作靡充未盡復除良增集作深

愧悼應天下建中四年年終已前所有諸色逋欠在百
姓復內者一切放免百司及諸軍諸使舉放利錢今年
六月已前百姓欠負未納者亦並停徵京兆府百姓普

恩之外給復一年其供頓官吏委京兆府尹類例具名

銜聞奏量與優獎

集作賞

古者計戶以署吏因時而建職

既不乏事亦無冗員今田畝污萊版圖

詔今作籍

凋耗齊人

編戶托庇官曹貪吏黠胥誘為蠹弊

集作囊索

啟奸墮

集作墮

業為害

集作患

尤深應在京百司色役人及流外等委御

史大夫即與諸司官長吏

集作諸使長官

審擬據見所掌事之

閑劇定額聞奏仍挾名送中書門下務從減省副朕憂

人以後應湏署置並定名先奏仍永為恆式今年正月

一日赦書事

詔令作節

目有所未行者所司並舉而行之赦

書或有不該即此類條件聞奏敢以赦前事相告言者以其罪罪之亡命山澤挾藏兵器百日不首復罪如初赦書日行五百里告布遐邇咸使聞知興元元年七月

二十三日

欽定四庫全書

文苑英華
卷四百三十一

文苑英華卷四百三十一

欽定四庫全書

文苑英華卷四百三十二 宋 李昉等 編

赦書十三

立太子赦書詔

沈 約

門下朕夙纘璿祚君臨四方夕惕寅畏若真淵谷思所以光闡洪基克隆鼎命王公卿士咸以為樹元立嫡有邦所先守器傳統於斯為重是用俾茲幼蒙體乾作貳永固宗祀以貞萬國元良之寄非獨在余宜令嘉慶被

之億兆可大赦天下賜民為父後者爵一級主者速施行

冊太子禮畢赦文

玉堂遺範

門下朕丕承寶圖撫有方夏夙夜寅畏不敢違一作荒寧

永惟祖宗之洪業歷考皇王之令典思所以垂統立極

事神保人推明至公安固大本尊廟祧而主七鬯嚴社

稷而奉粢盛俾開春闈乃命元子斯古人之通誼也皇

太子寧清淨一作明體仁莊敬好禮服典謨之誼一君親

之誠允諧詢謀用建儲貳爰以吉日冊于明庭鼓鐘載
和文物大備盛禮云畢慶感良深是宜布澤申恩自中
達外厥有前躅舉而行之可大赦天下自元和四年十
月十八日昧爽已前天下應犯死罪非殺人者降從流
流罪已下遞減一等左降官未經量移者與量移文武
常參官及諸州府長官子為父後者賜勳兩轉應緣冊
禮行事官賜階及勳爵有差鄧王府官量與進改夫輔
翼元良教諭成德使目覩正事耳聞正言形于施為漸

于心術非齊莊忠愨之士不在茲選工部侍郎歸登給
事中呂元膺並踐履端方行義修潔通於經訓而得其
要達於教化而蹈其中侍講承華師範磐石訪乃公議
副于精求並可充皇太子諸王侍讀登宜加一階元膺
宜賜紫金魚袋天下孝子順孫先旌表門閭者委所管
州縣各加存恤五嶽四瀆名山大川委所在長吏量加
祭祀 一作皆唐大詔令

冊太子禮畢赦文

崔 羣

門下王者司牧黎元紹膺統緒必建儲貳以貞家邦故
春秋垂冢祀之文易象著震方之位朕屬承景運嗣守
丕圖稽前王之令謨奉列聖之彛訓上以嚴宗祧之顧
下以繫億兆之心無疆之休用宗主鬯祇荷成憲敢怠
于懷皇太子恒忠孝溫文率義由禮寬粹莊重自誠而
明慶靈所積姿器夙茂能辨南陽之牘允符東海之貴
承華載啟命以居之撰吉展儀神人允洽舉是典冊授
之軒墀百辟在庭四方來賀以言承序所感則深永惟

國

詔令作固

本為慶滋大宜弘欽恤之令亦覃命賜之恩與

衆共之無遠不被可大赦天下自元和七年十月七日
昧爽已前天下應犯死罪非殺人者遞減一等左降官
流人並與量移如因流貶所亡歿及得罪之人並任歸
葬文武常叅官及諸州府長官子為父後者賜勲兩轉
應緣冊皇太子行事官加階賜勲爵有差文武常叅官
及陪位官并宗子諸親賜勲一轉遂王府量與進官春
闈毓德肇錫嘉名磐石聯華義深敦序澶王寬宜改名

惲深王察宜改名惲洋王寰改名忻絳王察改名悟建
王密改名恪夫習近遷性聖賢所慎詳觀古昔輔正元
良必惟其人朝夕講訓然後明君臣父子之道通禮樂
教化之情自非學究宗源行可師範則無以膺茲茂選
式是儀刑其皇太子及諸王侍讀宜委中書門下精擇
二人具名奏聞天下孝子順孫先旌表門閭者及高年
廢疾者委所管州縣各加存恤五嶽四瀆名山大川委
所在長吏量加祭祀布告遐邇咸使聞知

太和七年八月七日冊皇太子德音

編制

門下帝者承天地貞邦國法明離之象固鴻基

一作業之

本必命元子以備儲闈斯皇王之令謨古今之丕典朕

祇受眷佑虔奉寶圖欽若彛章光修聖緒皇太子永幼

稟仁智生知孝愛體溫文以立德資敏哲以保躬寬俗

有常貞慎無怠爰膺盛禮俾奉青宮嚴宗廟主鬯之儀

遵朝夕視膳之節冊命云畢感悅良深問安既慶於寢

門布澤宜覃於天下可大赦天下自太和七年八月七日昧爽已前天下應犯死罪降從流流已下罪遞減一等惟官典犯賊及故殺人劫獄奪囚持杖強劫者不在此限左降官流人並與量移如應流貶及諸色得罪人所在亡歿並任歸葬宗周之盛實在於維城二漢之隆亦由於磐石自開元以後累聖子孫皆長於深宮罔知稼穡曾不得習詩書以備禮樂交氣類以叙人倫雖有間平之才莫施衛魯之政永言淪廢深軫朕懷諸王等

宜以今年以後相次出閭具授緊望已上州刺史上佐
觀其才能續有序用人倫所先婚禮為重笄年許嫁則
有明文其十六宅諸府縣主

一作亦

宜擇選良偶以時出

適仍委吏部於諸色選人中取情愿者揀選具名奏聞
亦當別加優獎今久於其道政乃可成方鎮刺史三考
已下不得輒議替換如理有異等委中書門下訪察就
加寵獎如灼然可錄者別與甄升其或政理有乖害及
百姓者即不在滿三考限易譏豐屋傳美卑宮彫刻磨

龔先賢所戒近者官纔陞於郎署位始至於都府

一作符

莫不高其門閤

一作閤

廣以池榭非惟僭侈踰制實亦耗

蠹傷百姓財其百官第宅已造成者並許仍舊今已後如更有創立新宅及屋宇高大者並委御史臺彈糾必嚴加黜責御史臺所置六察分糾百司比來因循鮮能舉職起今已後諸司如有身名偽濫隱盜官錢及違法等他時發覺者本察御史並當貶斥考課之法前王所重蓋以綜覈吏理勵精政途名實苟違將何勸激宜準

故事置內外知考使兼令中書舍人給事中各一人監考百姓困窮弊由奸吏政苟不擾人皆自安其司農寺供宮內及諸司厨冬藏菜並委本寺自供其菜價仍委京兆府納每年時價支付更不得配京兆府和市其諸陵守當失宜委京兆府以價直送陵司令自雇召並不
得差配百姓寒食杏仁雞子月進土蘇白麥樹栽選場
棘針修橋梁木等便於本戶稅錢內尅折不得更令和
市天下諸州府應納義倉及諸色斛斗除準式每斗二

合耗外切宜禁斷仍委度支鹽鐵分巡院及出使郎官御史切加訪察如聞今歲所在豐稔其義倉斛斗先有借用處委戶部勾當並湏及時填足文武常叅官及諸州府長官子為父後者賜勲兩轉緣冊太子攝太尉稱賀攝侍中承旨宣制進中嚴外辦中書令讀冊授冊各賜爵一級其行事職掌官其就禮漢代用人皆由儒術故能風俗深厚教化興行近日苟尚浮華莫修經藝先聖之道理詔令無理字無堙鬱不傳况進士之科尤要釐革雖

鄉舉里選不可復行然務實抑華必有良術既當甚弊
思有改張今寰宇又寧干戈已戢皇太子方從師傅授
六經一二年之後當令齒冑國庠以興墜典宜令國子
監於諸道搜訪名儒置五經博士各一人其公卿士族
子弟明年已後不先入國學習業不在應明經進士之
限其進士舉宜先試帖經并畧問大義取經義精通者
次試議論各一首文理高者便與及第其所試詩賦並
停其試帖經官便以國子監學官充禮部不得別更奏

請弘文兩館生齋郎並依令式試畢仍差都省郎官

一作

中兩人覆試湏責保任不得輒許代替苟涉情故必加

罪責卿大夫者羣下

舊唐書作下人

之所視遠方之所倣若非

恭儉克己廉貞化人而望其服從固不可得况朕不寶

珠玉不御纖華逮于六宮皆務儉薄卿大夫得不叶朕

此心

一作志

率先兆人比年所頒制度皆約國家令式去

其甚者稍為

一作謂

得中士大夫苟自便身安於習俗因

循未革以至于今百官士族起今年十月冬服裘已後

其衣服輿馬並宜準太和六年六月十七日勅處如固
違制度九品以上量

唐書作重

加黜陟其布衣五年不得舉

選百姓軍人各委州府長吏漸施教化使自遵行不要
便為禁制令其驚擾惠養疲人本於廉吏阜其生殖在
絕貪求其諸道方鎮刺史等有聚斂貨財潛行饋遺者
御史臺糾察以聞仍委度支鹽鐵分巡院同為訪察不
得容放

一作蔽

親人之官切在守長及書寶引冊寶昇舉

冊寶禮儀使禮官等三品以上賜爵一級四品已下加

一階撰冊文官特加一階仍並賜物有差導引官各加
一階造冊寶填金字裝寶人賜勳兩轉行事流外及禮
生等各賜勳一轉文武官常叅官及陪位官并宗子諸
親各賜勳一轉魯王府官未經進改者量與進改其皇
太子侍讀宜委中書門下精擇二人具名奏聞天下孝
子順孫先旌表門閭者及年高廢疾者委所管州縣各
加存恤五嶽四瀆名山大川委所在長吏量加祭祀布
告遐邇咸使聞知 一作皆唐大詔令

寶應元年皇太子監國頒天下赦文

門下天下之本屬於

一作于

元良四方之民資其繼照是

有傳歸之義必膺監撫之重克廣前烈與人守邦非君

父之獨親俾生靈以

一作之

同戴朕號慕弓劍寢居縗絰

頃以疾苦未能康寧殘寇猶虞中原多壘軍國大務理

須叅決乃眷七鬯共承宗祧皇太子豫天縱聰明日躋

德業中興丕構已有大功問安寢門知九國之夢制勝

戎闡高五官之才時方艱難禮在諒陰且以庶政委之

元子宜令權知

一無知字

監國又以上天降寶獻自楚州神

明告歷數之符金璧定妖灾之氣總集瑞命祇承鴻休

因以體元叶于五紀其元年宜改為寶應元年建巳月

改為正月其餘月並依常數仍依舊以正月一日為歲

首受茲福應佇以升平因日月之重光布雲雷之

一作雲雨

渥澤可大赦天下見禁囚徒罪無輕重并已發覺未發

覺已結正未結正四月十五日昧爽已前一切放免左

降官已量移者宜即更與量移近處流人一切放回有

司更不得輒有類例條件其楚州刺史并出寶縣官及
進寶官等量與進改隨進寶官與僉等各量與一官宣
布中外咸知朕意主者施行 一作皆唐大詔令

籍田赦書

見四百六十二卷

張九齡

文苑英華卷四百三十二

欽定四庫全書

文苑英華卷四百三十三 宋 李昉等 編

赦書十四

雜赦書

曲赦并州管内詔

許敬宗

門下上玄育物大德基於施生前哲至仁大造原於去
殺是以矜慎庶獄得其情而泣辜兼濟含靈窮其巢而
解網朕懷此道逾切古人彼蒼垂鑒使膺司牧爰自幼

齒乃屬時屯五岳為封豕之墟四海被長鯨之毒茫茫
區夏並懸命於焚原蠢蠢窮黎咸轉骨於冰谷是用仁
心內發龔討外申吟嘯風雲揭日月而清大浸簸跳山
河補乾坤以正封域掄其垂餌之厄惠其壽考之安煦
以陽和同被發生之貺漣以膏潤申茲愷澤之錫粵自
斯壤首建鴻名資此義徒遂登大寶夫小物不忘稟靈
周於兆庶惟朕懷舊植性同其五情語地雖異中陽論
心不殊代邸今茲黃髮已留連於廣宴在彼赭衣宜霑

恩於宥罪可曲赦并州管內貞觀二十年正月十六日
申時以前大辟罪已下已發覺未發覺已結正未結正
繫囚見徒皆赦除之其犯十惡故殺人劫賊傷人謀殺
人已傷官人枉法受財監治主守自盜所監治并常赦
不免者不在赦例其有挾藏軍器亡命山澤百日不首
復罪如初敢以赦前事相告言者以其罪罪之

安養百姓及諸改革制

內制

勅愛人者天地之德育物者陽和之氣朕立極行政體

元順時期於緝熙致彼仁壽今永惟春令慶在發生當萬有之遂心慮一物之失所救人恤隱雖已著於成式施惠布德俾更弘於新令其天下百姓有灼然單貧不存濟者緣租庸先立長行每鄉量放十丁猶恐編戶之中懸磬者衆限數既少或未優洽若有此色尚軫于懷特宜每鄉前放三十丁仍準旨條處分待資產稍成任依恒式其所放丁委縣令對鄉村一一審定務湏得實仍令太守子細案覆本道使察訪如有不當者本里正

村正先決一百配入軍團縣令解太守本道使不舉者
量貶降十德為武必先禁暴五材並用誰能去兵自古
蓋非獲已關山遠戍雖多戀本之情祿位高懸終有懋
功之賞若能感激信可優矜其諸征行人家有兼丁如
載限向滿情愿自相替者宜聽其家內應合更差防及
諸雜差科一切放免古者黜陟幽明廉問風俗匪惟察
吏亦以恤人今考績之期已滿於三載求瘼之意欲觀
於四方宜即選擇使臣分往諸道訪察官吏善惡巡問

百姓疾苦兼太守縣令老耄者比問諸郡或有損處尋令賑恤猶慮艱辛湏更優矜務使周濟其開元二十九年載內外官所舉太守縣令等朕以撫字之任急於用賢特令舉親務欲求實翹車既至頓網無遺不限登科皆令効職既推心而無負期濟理而有成一自守官向已終秩思聞為政之績以觀推薦之義先有處分必行賞罰尤湏審察將復前言迴日並具狀奏聞且量地制邑大小雖殊置吏養人遠近如一比來中下縣令或非精

選吏曹因循徒務填闕天下大率小縣稍多至於蒼生
詎免其弊若無優獎豈致循良既在得人寧拘格限宜
令選人內取中外清資是明經進士應制明法并資蔭
出身有幹局書判者各於當色內量減一兩選注選擬
赴任之日仍令引見朕當察審去就其老弱者更不得
輒注考滿之後準畿官等例三選聽集在任有政績尤
異者三考外委本道採訪使與通狀應是下下縣仍并
升為中下縣又令長字人不可感闕比來補授直至選

時亦可縣在僻遠多不情愿遂虛其位累載闕人既無
本官為政不一戶口逃散莫不由茲自今已後宜令選
司先量才注擬如非時有事故等闕者所有當月牒中
書門下於內外官中簡擇進擬遣今所在京員外人數
稍衆既無職事頗亦滯才其高品者宜簡擇量授郡守
六品以下堪理人者亦授縣令俾其效用冀有成績天
下郡縣先有欠公解本處今既分稅錢並準式依本足
例支給使厚其祿以竭其心經國之制省官為本况分

司揆務既有常員授職任人須存定限若踰程式實紊紀綱其內外六品以下員外官至考滿後一切並停合依選例自今以後更不得注擬其皇親諸親幼小及諸色承恩授官軍功技術內省左右龍武軍并諸番官等不在此限所司仍具作條件處分且禮經垂訓篇目攸殊或未盡於通體是有乖於大義昔如堯命四子所以授時周分六官曾不繫月先王行令蓋取於斯苟分至之可言何弦望之足舉其禮記月令宜改為時令但五

分定位岳鎮總其靈萬物阜成雲雨施其潤上帝攸宅
寰區是仰且岱宗西岳先已封崇其中岳等三方典禮
猶闕朕以眇身紹膺鴻緒紫機夙讓黃屋非尊屬天衢
未亨王室多難載迫公卿之議遂膺歷數之重凜乎馭
朽慄若涉泉自臨萬邦斯為三載頃者居過密之際莫
議郊禋之禮霜露之恩日月增深今三元告辰萬物伊
始假于清廟升彼圓丘躬耕祈穀率禮斯備大官視膳
而牲潔奉常陳樂而邕和爰自降制之始迄于禮畢之

際祥風候律瑞日揚光卿雲紛集於壇場甘露傍流於
郊甸非常之慶豈獨在予宜因天地之心式覃雷雨之
澤可大赦天下

至都大赦天下制

蘇頌

黃門周宅中土秦里上田皆王者之都也時邁觀風載
巡展義皆王者之政也朕嗣守宸極頗移年所冕旒而
視心每周於萬邦車轍所屆迹不出於三輔豈懷安於
憚勞姑省費而休力然以設京師者不偏於西據奉宗

廟者亦候於東征安可阻從人之心增僂予之怨是用
闔陽發歲練日簡辰乘和氣以應物御惠風以行令永
言告至載叶俾來顧茲菲躬畏此鴻業下輦而有宮室
即舊不加登臺而有山川覽今猶昔森然在日用軫于
懷思弘遠圖俾作寬典不忘師古之義特布惟新之澤
可大赦天下自開元五年二月三日昧爽已前大辟罪
已下罪無輕重已發覺未發覺已結正未結正繫囚見
徒常赦所不原者咸赦除之唯謀反大逆不在赦限云

云夫政欲清淨詞尚省要間者思致於一作又未臻其

道文書盈几閣而吏益欺詔命下閭里而人莫諭得非

失於牴牾弊於詔令煩蕪耶簡而易從禁則難犯令式

格勅有不便者先令尚書省集議判定宜詳厥衷合于

大體亡命山澤挾藏軍器百日不首復罪如初敢以赦

前事相告言者以其罪罪之赦書日行五百里布告天

下知朕意焉主者施行

大歷四年大赦天下制

常袞

勅至理之代先德後刑上歡心以臨下下欣然而奉上
禍亂不作法令何施去聖久遠薄於教化簡書填委獄
訟煩興苛吏舞文寃人致辟思欲刷耻改行厥路無由
豈天地父母慈愛之意也朕主三靈之重託羣后之上
夕惕若厲不敢荒寧內訪卿士外咨方岳日不暇給八
年于茲而大道淳風鬱而不振四郊多壘連歲備邊師
旅在外役費尤廣賦輿輸轉疲耗吾人困竭無聊窮斯
濫矣下之愚昧舊唐書作下庶暗
昧集作下愚闇昧不見刑網戎士在軍

未習法令犯禁抵罪其徒實繁幽繫狴牢

集作繫
牢之間

未詳

事實吏議不決動淹時序傷沮和氣屢彰咎徵此皆朕
之不明教之未至豈上失其道而繩下以刑敢不罪已
以答災青且人者君之肢體害之則君有所傷刑者教
之輔助失之則人無所措慮有寃濫慘然憂傷用明慎
罰之典俾弘在宥之澤其天下見禁囚徒死罪降從流
流已下罪釋放其左降官及流人并移隸等並與量移
仍委所司即勘責送名中書門下奏聽進止如聞縣官

比年率意恣行麤杖不依格令致使殞斃深可哀傷頻有處分仍聞乖越自今已後非灼然蠹害者不得輒加非理仍委觀察節度等使嚴加捉搦勿令有犯如違錄名奏聞量情科貶宣示中外宜悉朕懷

大曆五年大赦天下制

門下惟辟奉天作人父母若天垂戒於上人不安於下則修德勤政以達至誠恤刑獄之寃滯問閭閻之疾苦招納諫諍訪求賢良允迪前烈率由茲道朕獲承宗廟

之重托於王侯之上夙夜齋慄莫敢荒寧推誠以撫萬
邦屈己以安百姓憂勤之至日慎一日服御之給損之
又損而涉道猶淺燭理不明國經王度多有廢闕加以
寇戎驟犯軍國煩勞賦重人竭因之歲歉田荒業廢逋
散相仍每深怵悼頻有蠲降兼亦簡求良吏以惠矜人
除去奸克用達幽枉大變風俗更張刑政冀人和之漸
洽何天青之屢彰固以朕德之寡昧化之衰薄其咎不
遠在予一人亦由郡邑之政未盡條理或貪以害物或

擾以傷農有凌弱暴寡之寃有不均失中之政人無所措多陷刑辟蓋上之教道未至豈忍以文法繩之慘然憂嗟深自引慝雖靡草麥秋之候方斷薄刑而薰風長養之時宜寬庶獄大決踈集作疏網與之更新其天下見禁囚徒死罪並降從流流已下並釋放内外文武官及前資官六品已下并草澤中有碩學專門茂才異等智謀經武諷諫主文者仰所在州府觀察牧宰精求表薦如所由搜揚未盡遺逸林間者即宜詣闕自舉親當策

試量能擢用朕每覽漢文詔書至陽和之時草木羣生
之類皆有以自樂而吾百姓或沾於死亡而莫之省緬
然遐想感嘆增懷哀今之人又甚於昔思有瞻恤俾安
其居觀察節度使及刺史各宜訓勵所部使奉科條變
貪官之節激循吏之行其清白明著政理殊尤者具以
名聞必加獎擢若冒于貨賄紊我綱紀切宜糾摘當峻
刑憲其官人犯賄集作經恩免罪者並宜申報中書門
下及所司不得容其却上自王室多故積有歲時皆我

文武之臣中外戮力今天下既定崇德報功與之剖符
傳代不絕至於蒞官述職各宜明慎典刑貽慶子孫永
同休戚於戲武德貞觀之間有若魏徵王珪李靖李勣
房玄齡杜如晦等扶翼大運勤勞王家尊主庇人匪躬
致命咸有一德格于皇天緬然長懷風烈猶在其後嗣
沈翳特加優獎如廟宇荒毀即宜修葺無德不報何日
忘之其鰥寡孤獨老幼貧窮不能自存者委州府縣吏
取諸色官物量事賑給仍招攜戶口勸課農桑應所在

州府有興功役處非灼然急切者宜並停之四瀆五岳
名山大川神明所居風雨是主宜委中書門下分使致
祭以達精誠孝子順孫義夫節婦事跡明著者特加旌
表頒示中外知朕意焉主者施行

大曆七年大赦天下制

門下濟於道者化醇而刑措善於理者綱舉而網疎朕
涉道未弘燭理多昧常亦遐想太古高揖玄風保合太
和在宥天下蓋德薄而未臻也是用因時以設教便俗

以立防務盡平恕用伸哀恤又教淺而多犯也加以邊
虞未戢井賦猶繁荒瘵之際寇攘斯起遂令園土嘉石
之下積有累囚危章互簡之中困於法吏屬盛陽之候
大暑方蒸永念狴牢何堪鬱灼所以沮傷和氣感致咎
徵天道人事豈相遠也如聞天下諸州自春以來咸一作

或愆時雨首種不入宿麥未登哀我矜人何恃不恐皆
由朕過益用懼焉惕然憂嗟深自咎責所以悉減常膳

唐書作減膳撤樂

別居齋宮禱于神明冀獲嘉應仲夏之月靜

事無刑以助晏陰以弘長養斷薄決小已過於麥秋繼
長增高宜順乎天意可大赦天下其大曆七年五月十
五日昧爽已前已發覺未發覺已結正未結正應天下
見禁囚徒罪無輕重一切悉宜放免所司詔令更不須
作由

類例聞奏宜令諸道節度觀察及諸州牧縣宰於當管
內所有名山靈跡各精誠致祭祈降甘澤冀獲豐稔永
思流弊庶振風猷其巴南諸州仍歲水旱迫於凍餒或
至流離因有剽求苟全性命懼刑網之所及姑嘯聚以

相依抑有由焉蓋非獲已永言其弊用軫于懷如能相
率來歸各安生業並無所問咸許自新敢以赦前事相
告言者以其罪罪之亡命山澤挾藏軍器百日不首復
罪如初赦書日行五百里宣示中外咸使知聞主者施
行

大赦京畿三輔

門下古者以季春三月布德行惠恤刑振乏朕親執犧
牲玉帛獲奉于上帝神祇九年于茲矣克已思理明不

能燭昆夷未叙王略猶虞歲會三秦之師日有千金之

費悉索敝賦疲於餽軍侯甸之間徵求耗竭百穀翔貴

關中小歉窮則斯集作思濫安能懼刑因而成盜多有犯

法至於軍戎之士致使廩賜不充因之逃亡抵于詔令作或

抵邦憲事非獲已情亦可察焉集無此字近以露濡之感集作

思明發有懷屬禁煙集作火之令節方薦鮪於寢園聖祖

敷佑景靈告祥先天後天載荷嘉貺以陰以雨又助發

生固宜順釋音曲成之仁布惟新之命赦罪育物曠然滌

除其京兆府及三輔并京城內諸司諸使見禁囚徒犯
死罪已下特宜釋放其有犯未發覺者罪無輕重亦宜
一切放免如有妄論告者以其罪罪之其官典犯贓不
在免限頃者魚朝恩夙有功勳委之戎事而徵求黎庶
空竭閭閻加之廣有貿易奪人賄利京城之內擅致刑
獄恣行忍虐幽執無辜部領師人乖於撫馭資糧刻薄
勞役煩苛惡稔釁盈自嬰沉痾念其勲舊許以優閑令
罷兵權遂其養疾而宗社降鑒神明所殛羸瘵不起旋

至斃亡既往無追一切不問所管將士等同坐於王事

各効忠

詔令
作辛

勤是朕爪牙自致勲業並宜仍舊勿有憂

懼蓋以朕誠乖感物明未知人失於授任而臻此也今

則虛懷引咎親御禁戎特

集作
必

加優寵以表勞績其資

聖寺禁人并追捕勘責等即宜並停然以王畿艱

集作
多

弊矜恤疲人蠲稅罷徭與之休息尚恐流庸罕復貧弱

未安益用憂勤諒資損約京兆府百姓承前應欠負官

物等委所由勘責實在百姓腹內者一切放免其在所

由腹內者不在放限畿內官人手力資課及府官充職
掌名額稍多所有集作祇供不免煩費並諸縣郵遞路
次館驛諸色徵科等一物已上並委中書門下與京兆
尹即會計責取色目一一商量條件處置務令減省以
息煩勞其諸司諸使迴易一切並停不急之務亦宜且
罷農隙之後然準常式宣示中外知朕意焉

赦京城內囚徒制

門下朕以寡薄獲守丕圖恭

詔令作龔

默思道克謹天戒常

恐至誠不達景化未敷寅畏之誠寢興在慮自純陽用
事靈雨愆旬麥雖有秋禾未嘗畝有阻三農之候將貽
百姓之憂是用齋心滌思禱于上下神祇雲從自郊月
未離畢膏澤不降憂勤益深雖水旱成災陰陽恒數而

刑法

集作
政刑

失中或致愆伏豈信

集作
簡

孚有與衷敬未誠


歟嗟我矜人陷於

集作
于

刑辟當炎蒸之序在縲紲之中

久積幽冤有傷和氣所以引成湯之六事過實在予寬
大禹之九刑誠存育物期於作解以救如焚其京城見

禁囚徒死罪降從流流已下罪一切釋放仍委中書門
下即疏理處分訖奏聞雖赦罪從輕或謂之長惡宥過
無小寧失於不經庶空夏臺用緩秋典宣示中外令知
朕意



文苑英華卷四百三十三

欽定四庫全書

集部

文苑英華卷四百三十八

詳校官庶吉士臣柳邁祖

助教臣常循覆勘

總校官進士臣朱鈐

校對官中書臣鮑之鍾

謄錄監生臣黃譽

欽定四庫全書

文苑英華卷四百三十四

宋

李昉等

編

德音一

宣慰德音

劉晏宣慰河南淮南制

常哀

勅書曰元后作人父母又曰一夫不獲則曰時

集無此二字

予之辜政或不平訟或不理則人受其弊氣生其灾噢
咻連聲愁苦無告州縣長吏莫知省憂念茲疚懷中夜

三嘆朕以不

集作

德託於人上永言理道敢不勵精然

自兵亂一紀事殷四方耕夫困於軍旅蠶婦病

詔令作疲

於

餽餉欲求無事豈可得乎致令戶口減耗十無一二而

河南淮南又甚諸道得非蒐乘補卒之數急賦橫稅之
煩致使惶駭匪寧流庸不復兼亦親人之職少有政術

稱者其於賦役多患不均靡室靡家皆籍其穀無衣無
褐亦調其庸雖節制廉察皆務令條理而貪官冒法未
絕姦源誅求無厭鰥寡重困永歎遐想過實在予巡撫

之寄資於碩德某官某相府之舊道在安人自河之南
天下之半底慎財賦衣食京師久於倚任多所引濟因
其旋南將命攸屬所至之處宣示詔書撫將校之勤勞
問黎元之疾苦事有不便法或不行委之釐革歸於允
當或收集作後其征徭私有聚斂或托以貢獻公然乾沒
厚取於人歸怨於上虧損時化朕甚懼焉宜委某與節
度觀察切加䟽理勿令寃濫以副憂勞其官吏有犯便
禁身推問具狀聞奏當峻刑典以息貪殘

宣慰嶺南制

勅理天下者先務於遠安本人情者必令其上達或刑
罰不中德信未孚則生怨咨是有申諭朕以嶺服之表
方隅之大南盡百越專制萬里擇將置守常亦難之至
於臨遣屢有明誠俾施惠政以恤疲人而長吏議法不
平作威以逞因其猜阻陷我忠良馮季康何如瑛等南
方右族累代純臣協其義烈之心積有艱危之効惑於
所譖虐用其刑無狀致辟遂生邊患朕自托人上每勞

日昃法天地之生成弘父母之慈愛聞此濫罰惕然疚
懷尋亦辯明特令昭雪如聞溪洞尚有紛擾哀我庶士
勞於甲兵豈不求安良有以也所以更謀良帥先用舊
德兼御史大夫徐浩歷典中外長於撫綏素所親信俾
其往緝玄冬之首當至彼方必能大布風化永清麾管
仍命尚書比部員外郎莫藏用往嶺南宣慰問以疾苦
弔其死喪其季康等遇害之家躬自存撫切加贍恤務
令得所以慰遺孤其軍州所有結聚明申中旨懸示大

信但能歸附即是平人豈唯復業安居亦當隨才命職
兼至桂州宣慰應水旱所損或須蠲免宜與觀察使商
量處置勉膺朝寄以慰朕懷

宣慰湖南百姓制

勅震澤之南數州之地頃以水潦暴至沲潛潰溢既敗
城郭復瀦原田連歲大歉元元重困餒殍相望流庸莫
返加以師旅煩之以賦役哀我矜人何以堪命朕君
臨之道猶鬱牧養之政未弘咎之所降諒在於此雖天

災流行則有恒數而夕惕若厲豈忘責躬夫振人育物

大易之明義也自漢魏已來水旱之處必遣使巡問以

安集之國朝因其制焉亦命近臣慰撫俾喻求瘼之意

用紓科集作將泛方勇切之急宜令中散大夫給事中賀

若察往湖南宣慰處置其百姓遭損不能自存者應須

賑給蠲免宜與本道觀察使商量處置訖聞奏仍齎詔

書體問周恤集作躬宣示郡邑令悉朕懷

宣慰魏博德音

玉堂遺範

勅奉君親竭忠孝人倫之大端也賢智可一作以盡心

賞功勞懋名節國家之急務也皇王可一作以致理朕

嗣守一作丕業恭臨萬邦每念政之未孚化有不暨怵

惕惟厲一作勤于懷常以為育質稟靈皆思嚮善亦

在甄明撫導推示信一作誠樹績必使其光揚敷惠一作

惟必圖其安緝永言及此終食豈忘魏博大藩東夏雄

屏軍戎勇於見義黎庶懷於有仁自中原始兵革之虞

河朔為用武之地抱才器者或慮思一作而盡力申節

効者果因事而彰明時將大寧斯獲予志昨者季安薨
謝其子幼童姦邪憑依妄肆威福一境危慄懼致覆亡
比屋凋傷疲於杼軸田興杖義奮發剪去憊人大安方
隅屢獻忠懇達三軍奉上之志激千里望闕之誠誓遵
典彝丕變舊俗忠諫指切感于朕心是用特授旌旄俾
靖封略言念將士同德叶謀守正如金石之堅凌寒挺
松栢之操垂令名於不朽示臣節於將來清風載揚丹
誠一作可鑒嘉尚歎息勞於寢興賞不踰時式示旌勸

其管內百姓等身勞耕稼力竭征徭每念于懷用當憂
憫宜令司封郎中知制誥裴度往魏博宣慰親諭朕意
仍賜錢一百五十萬貫以河陰院諸道合進內庫綾絹
絁等支送充賞給將士及六州縣百姓科差宜給復一
年使之蘇息州縣之中或有殘破偏甚者委田興逐便
宜處分朕以布澤之時務從人欲好生之德期洽衆心
魏博管內宜赦見禁囚徒其與叶心立功大將及判官
等委田興具名銜聞奏當有甄升如有父母在別加優

恤當道從前已來官吏將校等或忠義可嘉而刑戮濫
及如有此色委田興條錄聞奏當加贈如有家口見存
宜厚加優卹管內高年惇獨或天寶遺人夙沾皇化或
孤獨廢疾不能自存田興差官存問仍量給粟帛管內
有清勤奉職為衆所知者田興具事蹟奏聞當加進改
如身在丘園行義素著或才兼文武名節可稱亦委田
興具名聞奏贈太尉季安姻戚舊臣常任將相飾終之
典宜示優崇其葬事委田興差官勾當禮物之間務從

周厚田懷諫在疚之初政出羣小因致軍府騷然不寧
以其幼年嗚呼聳一作齊善念功惟恐不及卹人厚下惟
恐不豐庶洽雍熙遂橐弓矢為仁由己其道信然樹德
務滋在乎終始凡百多士宜悉朕懷

一作皆唐大詔令

放減德音

減徵京畿夏麥制

常袞

勅夏后氏五十而貢殷人七十而助周人百畝而徹其

實

集作稅

皆什一也故謂之天下中正而頌聲作矣迺者

因三代之制定其稅典務於行古庶以便人屬外攘四

夷歲會戎事軍國用度公儲匱乏役費荐至近於倍征

而吏或奉法不謹失我字人之意孤惇者恣其厚斂豪

富者貸

以集作其

輕徭動而生奸浸以流弊謂之什一其

實大半致有去父母之邦甘傭保之役流離逋蕩靡室

靡家或陷於死亡而莫之省每一念至良深憫惻頃亦

釐革

集作改

從其便安量沃瘠之差寬賦斂之重今邦畿

之內宿麥非稔去秋墾田又減常歲昨者徵稅其數頗多朕以萬姓不安三農將廢憂勤鬱悼中外以興思有

康濟未

集作庶

臻其道每欲悉免量入息其重困而未解

兵巖猶資日費用蠲恒數以恤疲人其京兆府今年所率夏麥宜於七萬石內五萬石放不徵二萬石容至晚田熟後取雜色斛斗續納仍委京兆府崔昭差少尹李倚于頌等分縣巡撫必躬親宣示朝章令知朕意大歷

三年六月

減徵京畿丁役等制

勅天下

集作

所命俾朕字

集作

人豈敢怠荒

集作

期於

康濟勞精極慮十有四年

集作

務崇省約以訓天下方

其疾苦屢有蠲除公稅之差僅從盍徹宮衛之備仍罷

踐更兼損服御用資軍國大去煩弊以休邦畿遊食之

人悉歸南畝墾田之數漸復平時神降嘉生歲乃大熟

震于珍物景福紛委蓋上玄列聖之儲祉也豈寡昧之

德而臻此耶夙夜祇惕永懷增懼然以今有緩急物有

輕重故粟輕而易散錢重而難聚古人所謂糴之至賤

與貴其傷一也如聞閭閻未免告疾

集作病

至乃以粟數

斛易錢一緡雜以他徭難

集作於

償費轉用所寶念之

惻然深可重惜所宜節省其京兆府諸色番役等訪聞

諸司或有徵課比緣時儉資數稍多估折

集作物估

皆賤不

仍舊貫

集作不可仍舊

其掌閑曠騎三衛及橋堰丁匠等如本

詔令作有

司須徵資並納錢三十米六斗其青苗地頭天下

諸州每畝率錢十五頃以京師煩劇供應頗多苟從權

宜遂倍其數自今已後宜准諸州例徵率朕以帝王之
教人如父母之訓子所以至纖至悉必躬必親苟或便
之豈憚煩也宣示百姓集作中外知朕意焉

京兆府減稅制

勅三代之時籍而不稅降及近古或至倍征承平則省
於經入有事則煩於存費亦古今之常也朕勵精憂人
夙夜勤約至如王制之定集作度國用人曹之制地征必
視豐穰與之上下然以邊未徹警十年於集作于茲連五

兵七萃之屯有賦輿調食之重徵求橫作空耗吾人以征地之數有踰常典頃者躬自節儉勵于三軍歛從其輕以減太半今舊穀既沒宿麥未登尚使餒殍相望流庸不返邦畿千里編戶大殘慮某作縱有自存之人未

喻詔書之意臨時科率或恐增加以茲躊躇多不墾闢行及春募田萊益荒屬膏雨霈然慮失農候故重明朝旨更減田租蓋畿內移軍所餘全少山東加運其助頗多朕又親統六師大閱戎籍事必精實自然蠲省京兆

府夏麥上等每畝稅六升下等每畝稅四升荒田開佃者每畝稅二升秋稅上等每畝稅五升下等每畝稅三升荒田開佃者每畝稅二升比集作昔者百姓不安皆因稅重據其減數漸復平時頗有優當兼罷徭役加之誠勅又絕侵漁所宜鑿井畊田各勤生業自今已後必致康寧仍委京兆尹及令長分明宣示以勸集作勸之東作躬親慰撫稱朕意焉

放京畿丁役及免稅制

勅王者承天命以養人也愛之如身豈止如子饒者食之寒者衣之猶恐仁之不至愧悼之心惻隱於內而不能已也故天下有道藏於百姓古之使人不過三日可以長孺齒可以養孤老蓋太平至理之化何施而集一作

臻於此乎朕承奉大業于茲八載不能恢弘王道被之六合雖德之寡昧未燭於理常亦憂勤損節以濟元元豈不知乾坤以易簡成物帝王以惇儉守位從賦歛之薄省哉然時或多故事非獲已屬外攘夷狄連歲備邊

兵車之會不下十萬餉饋耗竭邦畿大殘又郊社宗廟
之祀府庫賜與之用庶事之費皆仰給焉急賦暴徵日
益煩重加以水旱相乘歲非豐一作善熟方冬之首穀已

翔貴又宿豪大猾橫恣侵漁致有半價倍稱分田劫假
於是棄田宅鬻子孫蕩然逋散轉徙就食行者甚衆念
之疚心夫安土重遷人之常性向非誅求之數豈去父
母之邦哉蓋以朕不敏不明鬱於教化德之寡薄以至
於斯傳曰百姓不足君孰與足書曰民非后何戴后非

衆罔與守邦今縣內告病流亡不已失於撫育之道得

不愧于心乎哀痛勤

一作約一作灼

明發不寐在予之情

一作青

懼惕良深宜有蠲除以惠貧弱其京兆府今年秋

稅於所徵數內減

一作放

十萬石百姓應納諸色物等比

緣朔方軍糧輸轉勞弊又時方收斂從便省其草粟等

並於中渭橋東渭橋納仍各隨當縣道路穩便如法

一作

須般入苑南及於苑北面貯積及檢納等宜委中書門

下與所由計會處置百官及府縣官職田歲月深久多

被換易縱有本主皆是蒿荒虛配戶人令出苗子閭閻之內其弊至深今年宜四分徵一餘並放免其諸司諸使丁役及夫匠掌閑三衛曠騎等戶多非正丁皆率貧弱頃雖減省猶慮艱辛宜委中書門下即各與本司計會如灼然須役正身者具所要色目事由聞奏除此之外商量和雇并百姓先出資者並官出錢充資畿內至來年五月已來一切停差遣來年准旨及勅并度支符應年支諸色雜物合各徵科百姓等宜據所由供數並

官出錢置使依市糶

三字一作和市和糶

供所徵百姓宜停應供

往來郵遞從來年正月至麥熟已來並官出給百姓應

有欠負一物已上及諸雜夫役庸課

一作調

未酬納者一

切容至麥熟填還所由不得輒有干擾如官典隱盜在

腹內及有欠負者不在免限且風化之由繫於長吏黜

陟之典所宜大明宜令御史臺切加糾察其戶口有減

田萊不除或流庸稍歸農畝加闢即宜具名條奏當峻

刑賞庶使凋瘵之人便於蘇息憂勤之志上達神明宣

示詔書令知朕意

一作皆唐大詔令

減淮南租庸地稅制

大曆七年十一月

勅王者以冢宰制國用以司會質歲成必視豐荒之年
以均輕重詔令作賦入之數自近古以來天下郡縣亦有水

旱之處則亦減其田租休其力役不急之務不便於時

亦皆節省以惠窮乏上天眷命屬朕黎元敢不敬承勵

於勤儉

集作郵

躬自菲

一作儉

薄刑于

一作於

家邦非上薦宗

廟下資師

一作軍

旅未嘗私於所奉更有徵求藏之於人

孰謂不足迺者屢減邦賦以勸耕農而四時罔愆九扈
皆叙近自關右達于一作海隅溥其百穀之穰寧止三

年之積非朕寡德所能臻茲蓋祖宗景靈被此嘉貺仰

荷殊慶兢懷益深而淮南數州獨罹災患秋夏無雨田

萊卒荒閭閻艱食百賈皆震永念於此尤一作增慙然

我心憂傷終夜不寐宜有蠲貸用安流亡其淮南今年

租庸地稅所集作支米等宜三分放二詔令有楊洪宣

等三州作坊往以軍興是資戎器既屬歲歉頗殘吾人

徵材役工存費尤甚惟務省約以息困窮亦宜并停宣

示百姓知朕意焉

自既屬至意焉三十六字詔令作既屬歲時大歎慮乎人不寧居徵夫役

工損費尤甚務從省約以息疲人亦宜并停朕精誠奉天誠懼臨下惟恐明有所不照聰有所不達百辟卿士咸弼予違宣示百姓令知朕意

減京兆府秋稅制

勅頃以蕃寇猶虞王師未戢所資軍費皆出邦畿征調
存興日加煩重閭閻困竭人轉流亡念之疚懷旰食增
懼近者省月更之役減歲入之租務於惠養冀有蘇息

尚聞告病終未安居深用悼懷

愧悼一作

更思優卹今關輔

諸屯墾田漸廣江淮轉漕常數又加在

計一作

一年之儲

有大半之助其於稅地故可從輕其京兆府來年秋稅宜分作兩等上下各半上等每畝稅一斗下等每畝稅六升其荒田如有能開佃者宜準今年十月二十九日勅一切每畝稅二升仍委京兆尹及令長明申詔旨分榜鄉閭一一存撫令知朕意

免京兆府稅錢制

勅守位聚人有賦有稅所以奉宗廟之祀備水旱之災
事之大經古今不易國家計其戶籍俾出泉貨著在令
典謂之兩稅天下通制行之久矣自師旅荐興征調煩
數法度多峻一作改遂廢其名近舉舊章用遵薄賦施于
中外其法一也屬歲會戎事聚於邦畿以鰥寡孤獨之
人當征徭力役之重久於供費皆至匱竭蕩然流散言
念傷懷比之四方此實尤甚思其蠲貸庶令蘇息其京
兆府見科差百姓今秋稅錢特宜放免

減京畿秋稅制

勅周以司會立經制漢以丞相校簿書

兩句借唐書作古者

量其

國用差其

集作而立

稅典必以省費

唐書作必於經費

由之重輕公

田之籍可謂通範

唐書作制

履畝而稅斯誠弊法將期

唐書作所

期集作於

折中以便於時億兆不康君孰與足故愛人之

體先於

詔令作以

博施富國之源必在均節

唐書作必均節用

朕自

臨宸極比屬艱虞

唐書作艱難集作外虞

亦常慕淳朴

詔令作敦朴唐書作

淳欲闡

之風守冲儉之道每念黎庶思致和平而邊事

猶殷戒車屢駕軍興取給皆屬邦畿九伐之師尚勤王
畧千金之費重困吾人乃者遵冉有之言守周公之制
什而稅一務於行古今則編戶流亡墾田減耗計量入
之數甚倍征之法納隍之懼當宁軫懷慮失三農憂深
萬姓務從省約稍冀蠲除用申勤卹之旨以救惇嫠之
弊其京兆府所奏今年秋稅二字唐書作合徵稅八十二萬五千
石斛斗數內宜即減詔今作減放一十七萬五千石委黎幹
據諸縣戶口地數均平放免仍分明榜示百姓令知當

戶所減斛斗數訖聞奏其應徵青苗地頭錢亦宜三分
放一其先次永泰元年地頭錢一十四萬九千一百四
十一貫並宜放免除丁匠掌閑正番外至來年麥熟以
來府縣一切更不得輒有科稅朕當躬儉節用以贍黎
元中夏漸寧庶有康濟宣示百姓知朕意焉

永泰二
年十月

減放太原及沿邊州郡稅錢德音

門下朕思三五已降誰能去兵文武之道參用為理况
以寡昧獲承丕構環四海九州之大子圓首方足之多

一夫之疾痛必軫其憂一士之忠勞必思其報一風一

雨之愆候必申其祈

一作所

祝一士一役之橫費必念其

所來業業兢兢如即深薄雖興兵動衆非予素懷而伐

罪弔人有國常憲干戈一舉飛輓是勞緣路徵輸指期

調發耕夫不遑於墉畔織婦有輟於機中予之疚懷豈

忘終食頃以虜騎犯塞王師戒

一作戍

邊今以路寇阻兵

靈旗指晉

一作境

始無虞於塞北復有征于山東勞者未

安居者寧逸

一作遽

蓋不獲已且多懼焉念其徵發師徒

道路供給地素貧徧物力已窮今欲及徵秋稅之時宜有蠲免用布慈仁之澤冀為疲瘵之醫勉副曲恩永安生業其太原管內忻雲汾代蔚朔六州振武天德及河中晉絳陝沿路州縣今年秋稅及地頭錢宜放免河南府亦是供頓往來道路比晉絳太原即免編併其沿路畿縣及河陽汜水縣秋稅地頭錢量放上供一色其合留使留州錢物各委本道觀察使具放欠額數聞奏當與商量於戲朕君臨萬方子育兆庶務將去害豈謂佳

兵上天鑒予立功福善佇聞掃殄共樂清平未聞之心

憂愧而已凡百多士宜體朕懷

會昌三年七月八日

雨災減放稅錢德音

編制

門下朕恭臨寶位祇嗣丕圖勤郵憂兢夙夜匪怠懼天下之日專專然以觀予動懼天下之耳顚顚然以聽予言何嘗發一言不遵祖宗之法制動一事不副卿士之羣心雖克己甚勞誠心無逸驅時風於朴素絕進取於爭馳便於人者無不為厚於身者無不去然而惠化猶

缺懲勸未行殘虜在邊尚煩饋餉

一作餽

狂童叛潞猶擾

干戈蓋不得已而用之事有違其志者顧惟寡昧慙歎

方深今朝野叶心忠良同志共除氛祲日冀清平而秋

雨經旬有妨收積

一作刈獲

雖云苗稼未害亦恐陰沴為灾

慮生人之疾苦未蠲刑獄之滯寃未理勵堯舜敬天之

志當夕興嗟虞禹湯罪己之心詰朝下詔衆貧國何云

富人瘠君安得肥况畿甸差科終年無已百司取給供

億實多其京兆府秋稅及青苗錢共放八百萬便委張

賈與諸縣令同商量各據所損多少作等第減一作放

更不用檢苗覆損煩於申奏其合徵納物仍量與寬限容待路通後輸納如聞貧人未及種麥仍委每縣量人戶所要貸與種子寬限至麥熟日填納如京兆府自無種子即據數聞奏太倉給付其御史臺京兆府所有因徒委宰臣一人與左僕射王起御史中丞李回就都省疏理如情狀可矜者便委決遣其諸州府囚徒亦委長吏親躬一作自疏理勿令寬滯於戲水旱之災陰陽定數

實當菲德合恤疲人施令布恩期於蘇息凡厥臣庶宜

體朕懷

會昌三年九月二十一日

一作皆唐大詔令

文苑英華卷四百三十四

欽定四庫全書

文苑英華卷四百三十五 宋 李昉等 編

德音二

賑恤德音上

賑貸

詔今
作給

京畿百姓德音 玉堂遺範

門下王者布德行惠必順天時發廩賑乏蓋循舊典朕
君臨寓縣念切黎元思欲咸致其安各阜其業事關恤
下政在使人予無愛焉斯為大本而甸服之內比年豐

穰一歲不登遂至艱食豈非轂下賦役經制猶繁物力

所資凋耗已甚靖言於此愧歎良深今春陽發生田事

具飭苟迫於歉乏不能自存而耕植損詔令作頓虧秋成何

望所宜特加恩賚詔令作惠蠲彼徵求庶農桑之及時俟詔令

作楚麥之方稔式當和煦之候載示憂勤之心我其永

懷俾厚生殖京畿百姓宜共賑給粟三十萬石內八萬

石以京兆府常平義倉粟充其餘詔令作用太倉粟充支

給比者田穀致損藹藁隨之今已過時益難濟辦其并

職田草共一百一十五萬束並宜放免又有常賦錢穀
蠲放之餘貧弊者多慮難輸入欲令寬息須有憂矜其
京兆府欠去年兩稅青苗等錢二萬一千八百貫欠秋

租雜斛斗及職田粟五萬三千三百石並宜放免元和

六年春賑貸京畿百姓義倉粟二十四萬石亦宜放免

朕誠意靡達黎人未康憂積於詔令衷寤寐增惕爰自

去歲以迄於今存救之恩屢降明詔乃眷長吏職惟親

人爾其檢詔令慮撫綏指陳利病將我惠澤被于鰥孤

作極

叶於便宜無使勞擾故茲示諭當悉朕懷

元和七年

賑貸京畿德音

門下朕聞王者之牧黎元也愛之如子視之如傷苟或
風雨不時稼穡不稔則必除煩就簡惜力重勞以圖便
安以阜生業况邦畿之內百役所從雖勤恤之令亟行

而供億之制猶廣重以經夏炎暵自秋霖霑

唐書作澍南畝

勸播殖之功西成失豐

唐書作農

登之望內乏口食外牽王

徭豈惟轉徙

唐書作輪非

之虞慮有餓

唐書作餒

殍之患斯盖理

道猶鬱和氣未通永言于茲良所咎歎宜加惠貸式示
誠懷京兆府每年所配折糶粟二十五萬石宜放如百
姓有粟情愿折納者時估外特加優饒今春所貸義倉
粟方屬歲飢容至豐熟歲送納元和五年以前諸色逋
租並放百官職田其數甚廣今緣水潦諸處道路不通
宜令所在貯納度支支用令百官據數於太倉請受遭
水旱處所損便與除破不得檢覆朕以為理之本在乎
安人咨爾尹京宰邑之官實惟親人阜俗之寄必當詢

其疾苦奉我詔條當恤隱為心無怠於事罔或徇利於

尅

唐書作剝

不吐剛而茹柔使閭井咸安鰥寡獲濟各勉忠

効宜悉朕懷

元和六年十月戊寅

遣使賑恤天下遭水百姓勅

編制

勅王者欽若天道惠綏下人修己以導其和平推心以

恤乎

詔今作其

災患康時濟理何莫由斯朕以薄德託于人

上勵精庶政思致雍熙而誠不動天政或多闕陰氣作

沴暴風荐臻自江淮而及于荆襄歷陳宋而施于河朔

其間郡邑連有水災城郭多傷公私為害損害一作廬

舍浸敗田苗或親戚漂淪或資產沉溺為之父母所不

忍聞興言疚懷良深愧憫夙夜祇畏悼于厥心用是寢

不獲安食而忘味特加賑恤庶洽幽明宜令中書舍人

奚陟往江陵府及襄郢復隨鄂申光蔡等州左庶子姚

齊梧往陳許宋毫賴徐泗濠等州秘書少監常詔今作雷咸

往恒冀德棣深趙等州京兆尹常武往揚楚廬滁潤蘇

常等州宣慰應諸州百姓因水漂蕩家業淹損田苗交

至乏絕不能自存者委宣撫使量與賑給沉溺死者各
加賜物仍並以所在官中兩稅錢物地稅米充給其溺
死人所在官為收斂埋瘞用申惻隱以慰幽魂其田苗
所損亦委宣撫使與觀察使刺史約所損多少速具聞
奏於戲一夫不獲一物失所刑罰不中賦斂不均皆可
以損詔令
作傷陰陽之和致水旱之沴其州縣應有繫囚及
獄訟久未決者委所在長吏即與疏理務從寬簡使絕
滯寬貪官暴吏倚法害公特加懲肅用明典憲災傷之

後切在撫綏咨爾方鎮之臣泊于州縣守宰咸知悉乃
心力設法救人以恤凶災以補傷敗庶令安集式副憂
勤宣布朕懷使各知悉

貞元八年八月

賑恤遭水災百姓勅

勅惠下卹人先王之政典視年制用有國之恒規故有
出公粟以賑困窮弛歲征以寬物力救患之道何莫由
茲頃以諸道水災遣使宣慰中心是屬夕惕彌勤省覽
條奏載懷憫惻用加救恤以濟吾人應諸道遭水漂蕩

家業淹損田苗乏絕戶宜共賜米三十萬石所司各據
州府乏絕戶多少速分配每道合給米數聞奏並以度
支見貯米充度支即與本道節度觀察使計費各隨便
近支付委本使差清幹官請受分送合賑給州縣仍令
縣令及本曹官同付人戶務從簡便無至重擾速分給
訖具狀聞奏其州府水損田苗及五六分者今年稅米
及諸色官田租子並減放一半損七分以上一切全放
其所減放米如是支用數內應令度支及本道以諸色

錢物充填並委度支條件聞奏其兩稅錢所司準舊例

處分朕撫臨兆庶思致和平理化未臻良增寅愧一作畏

方鎮守宰職在親人所宜分憂以救艱食必躬必信副

朕意焉貞元八年十二月

分命使臣賑恤水旱百姓勅詔今作遣使賑恤江淮勅

同前

勅王者立國本於安人暨海隅蒼生不忘弘覆天下至

廣咸務和寧其或郡國罹災存恤至詔今作為重發廩蠲賦

時惟舊章獻歲布和前聖高躅朕膺眷命纘承洪緒居
兆人之上五載于茲推大信以撫萬邦體至仁以蕃庶
類夕惕惟厲憂深納隍豈布理猶鬱上玄未感精禋相
盪陰陽或愆近者江淮之間水旱作沴繇亘郡邑自夏
徂秋雖誠禱神祇無愛圭璧而災流下土虧我生成逋
亡靡依凋瘵斯甚疲俗艱食時予之辜當宁疚懷宵衣
興歎憫茲求瘼臨遣使臣分命巡行特加存恤往救災
患冀安流庸俾免其田租或賑以公廩隨便亟給惠此

困窮其元和三年諸道應遭水旱所損州府合放兩稅
錢米等損四分以

詔令
作已

下者宜準式處分損四分以

者並準元和元年六月十八日勅文放免仍委中書門
下即於朝班中擇人分道存撫其有單貧之戶轉徙未
安便於常平義倉所貯斛斗量事賑貸務令存濟副朕
憂軫嗚呼方岳長吏職居親人永言分憂亦惟善政敬

哉有土咸悉予懷

元和四
年正月

亢旱撫恤百姓德音

勅承天理物莫尚於愛人謝譴彌災必先於咎已朕臨御萬國逮今五年亦常勵精罔敢暇逸誠雖勤而未安於事澤雖布而未浹于人吳蜀建功關輔屢稔羣生咸若荒服會同將何以答昊穹之顧懷承宗社之眷祐固宜示以災青警予增修自去冬以來時雪微降及此春暮積為愆陽宿麥不滋首種未入東作慮違於農候西成何望於歲儲為人父母甚可憂憫况江淮之間歉饉相屬物力疲耗人心無聊雖存救之術已行而凋傷之

弊猶切是用輟食而歎中夜以興得非刑獄之寃滯未
申貨財之聚斂未息忠鯁之言未盡達不急之務未盡
除有一于茲即傷和氣居高莫喻愧悼是懷爰命禱祠
豈答神祇之望空勤惕厲豈為恤隱之方莫若側身推
誠循政務實法乾坤易簡之理贊天地茂育之仁將以
塞違庶孚于道屬陽和之序品彙敷榮俯念繫綫俾從
寬減其京城內見禁囚徒犯死罪非殺人降從流流已
下罪通降一等鹽鐵使下諸鹽院舊招商所由欠貞元

二年四月已前鹽稅錢及永貞元年變法後新鹽利經

貨

詔今作輕貨

折估錢共二十八萬七千七百五十六貫文

並宜放免除此錢外諸色所由人戶及保人有積欠錢物或資產蕩盡未免禁身或身已死亡繫其妻子雖始於冒沒而終可哀矜宜委鹽鐵轉運使即據狀事疏理具可徵可放免數聞奏度支京西京北諸院權鹽使并畿內在城諸色所由人戶欠負從貞元十一年以後至貞元十五年終主保逃亡攤徵保人并保人又逃亡及

身在貧窮非家業見存姦猾延引者所欠錢物斛斗柴草等項亦宜放免亦委度支續具合放數聞奏諸道兩稅外據權率比來創制勅處分非不丁寧如聞或未遵行尚有此弊永言奉法事豈當然申勅長吏明加禁斷如刺史承使牒擅於界內權率者先加懲責仍委御史臺及出使郎官御史察訪聞奏夫制事立程必根源本未有上敦節儉而下有困窮上好豐盈而下獲安輯顧財用之所出念耕織之為勞自中原宿兵調賦尤廣更

修無名之貢獻必有無藝之徵求或稱出於羨餘或稱不破正稅相因慕效寢以成風革弊立防何切於此其諸道進獻除降誕端午冬至元正任以土貢脩其慶賀其餘雜進除旨條所供及犬馬鷹隼時新滋味之外一切勒停如違越者所進物送納在藏庫仍委御史臺具名聞奏如諸道停進奉後尚務因循或有聚斂亦委出使郎官御史察訪聞奏政理之本在於簡約由內及外以示率先昨者六宮內人量已放出猶慮內廐之馬其

數稍多委飛龍使等

詔令
作即

條流減省續具聞奏嶺南黔

中福建等道百姓雖處遐俗莫匪吾人多懼掠奪之虞
豈無親愛之戀以茲興念良用憫然應緣公私買賣奴
婢宜令所在長吏切加捉搦并審細勘責委知非良人
百姓然許交關有違犯者準法條處分朕理國濟人以
義為利務於當者必舉詢其弊者必除其在卿士叶心
方岳宣力勉脩爾職以惠黎元慎守彝章咸悉朕意

和元

四年三
月三日

賑恤百姓德音

一作賑貸
諸道詔

勅王者本憂人之心有順時之令故及新生之候必弘
利澤之規以此惠人期於阜俗今三陽布和萬物遂性
惟人之窮乏者或不能自存朕所以愍然省憂議所賑
救如聞京畿之內緣舊穀已盡宿麥未登尚不足於食
糧豈有餘於播種矧其耕植固在及時念彼徵求尤資
寬貸京兆府宜以常平義倉粟二十四萬石貸借百姓
其諸道州府有乏少糧種處亦委所在官長用常平倉

米借貸淮南浙西宣歙等三道元和四年賑貸米並宜

詔令
作且

停徵容至豐年然後填納編戶之徵既有藝極字

氓之要當恤有無苟徵歛之不時則困弊之無日近緣
諸州送使錢物回充上供合送使者使司又立程限所
以每至歲首給用無資不免量抽夏稅新陳未接營辦
尤難委觀察使宜以供軍錢方圖措便輒不得量抽百
姓夏種夏貢詔令作
貢賦有差先乎任土用幣殊等實在便
人近日所徵布帛並先定物樣一例作中估受納精粗

不等退換者多轉將

詔令
作易

貨賣皆致損折其諸道留使

留州錢數內絹帛等但有可用處隨其高下約中估物

價優饒與納則私無棄物官靡逋財其所納見錢仍許

五分之中量徵二分餘三分兼納實估足段錢以準貨

本約重輕制之不均遂權百物由是競為蓄聚漸與流

通粟帛轉錢農桑益廢若無釐革其弊難堪公私交易

十貫錢已上即須兼用足段委度支鹽鐵使及京兆尹

即具作分數條流聞奏茶商等公私便換見錢亦

詔令
作並

須禁斷自定兩稅以來刺史以戶口增減為其殿最故
有折戶以張虛數或分產以繫戶名兼招引浮寄用為
增益至於稅額一無所加徒使人心易搖土著者寡觀
察使嚴加訪察必令詣實朕嗣守丕圖于茲七稔每念
萬方所奉唯在一人百姓未康豈安終食故所以賑贍
優貸思致乂安方鎮牧守誠宜遵奉如有違越委御史
臺及出使即官御史訪察以聞宣示中外明悉朕意元
和

六年二月
二十八日

文苑英華卷四百三十五